



Headlines

- मुख्मन्त्री उमर अब्दुल्ला होरें अज्ज उप्परोतली दुए रोज बी प्रमुख मैहकमे कन्नै बजट कोलां पैहले आह्ला सलाह-सूत्र कीता।
- काबिना नै अज्ज अटल पेंशन योजना गी 2030-31 ब'रे धोडी जारी रखने गी मंजूरी देई दिती ऐ।
- रियासी जिले नै प्रधानमंत्री आवास योजना ग्रामीण तैहत 29 ज्हार घरें दा निर्माण पूरा करियै बड्डी उपलब्धि हासल कीती ऐ।
- मरदमशुमारी 2027 लेई जम्मू-कश्मीर च घरें ईमारतें बारे जानकारी किट्टी करने दा कम्म पैहली जून थमां शुरू होई जाह्ग।
- मौसम विभाग नै जम्मू-कश्मीर दे बक्ख-बक्ख हिस्सें च कल्लै थमां भारी बरखा ते बर्फबारी दी चेतावनी जारी कीती ऐ, लोकें गी सौहगा सतर्क रौहने लेई आखेआ गोआ ऐ।



Pre Budget Consultation

बजट थवां पैहले आहली चर्चाएं दा दौर अज्ज बी जम्मू-कश्मीर च जारी रेआ। मुख्मन्त्री उमर अब्दुल्ला होर बक्ख-बक्ख मैहकमे कन्नै बजट थमां पैहले आलियां बैठकां ला'रदे ना। जम्मू कश्मीर विधानसभा दा बजट अजलास 2 फरवरी थवा शुरू होआ'रदा ऐ। इसदा मकसद प्राथमिकताएं दा ते लोकें दी जरुरतें दा पता लाना ऐ। अज्ज सेहत- शिक्षा- उद्योग- खनन- लोक निर्माण- श्रम ते रोजगार ते समाज कल्याण मैहकमे कन्नै बैठक लाई गई। एह चर्चा कल शुरू होइयां हियां ते इनें चर्चाएं दौरान बजट दी बंड- प्रस्तावें ते विकास लक्ष्यें सनें योजनाएं बारे विचार-विमर्श होआ'रदा ऐ, तां जे बजट च सारी गल्लें गी ध्यानै च रक्खेया जाई सकै।



Cabinet Atal Pension Yojana

सरकारै अज्ज अटल पेंशन योजना गी 2030-31 तगर जारी रखने दे कन्नै गै प्रचार ते विकास गतिविधियें आस्तै माली सहायता बधाने दी मंजूरी देई दिती ऐ। एह योजना मई 2015 च असंगठित खेत्तरें दे मजदूरें गी वृद्ध अवस्था च आमदन सरबन्धी सुरक्षा प्रदान करने दे मकसद कन्नै शुरू कीती गई ही। एह फैसला अज्ज प्रधानमंत्री नरेंद्र मोदी हुं'दी अगुवाई च लग्गी दी मंत्रिमंडल दी बैठक च लैता गोआ। एह योजना 60 ब'रें दी उम्री गी हासल करने मगरा हर म्हीने इक सवां पंज ज्हार रपे तगर दी घट्टोघट्ट गरंटी पेंशन प्रदान करदी ऐ, जेहडे लाभार्थी दे योगदान पर निर्भर करदी ऐ। इस योजना तैहत अजें तगर 8 करोड़ 66 लक्ख थमां मते लाभार्थी पंजीकृत होई चुके दे ना।



Reasi-Houses

रियासी जिले नै प्रधानमंत्री आवास योजना ग्रामीण तैहत बड्डी उपलब्धि हासल कीती ऐ। जिले च मंजूरशुदा 29 ज्हार 646 घरें चा 29 ज्हार घरें दा निर्माण कम्म मुकम्मल होई गेआ ऐ। इस उपलब्धि कन्नै ग्रामीण परिवारें गी सुरक्षित ते आत्म सम्मान कन्नै जीन जीने बारै सरकार दे धेइयै दा पता लगदा ऐ जे सरकार इस भेठा पूरी तनदेई कन्नै कम्म करा'रदी ऐ। रियासी दे असिस्टेंट कमिशनर डेवेलपमेंट विजय कुमार होरें आखेआ जे नमें सर्वे कराए गए न जेदे तैहत 30 जर बेघर जां फही कच्चे मकानें च रौहने आहले परिवारें दा पता लग्गा ऐ, इनेंगी बी अगले मरहले तैहत इस स्कीम तैहत आहन्नेआ जाह्ग। सारे योग्य लाभार्थियें गी समेंसिर लाहू पजाने ते बाकी रौहंदे योग्य लाभार्थियें गी घर उपलब्ध करोआने दे जत्त कीते जा'रदे न। इस बारै होर मती जानकारी दिंदे होई असिस्टेंट कमिशनर डेवेलपमेंट विजय कुमार होरें आखेआ



Vande Matram Phase-2

समूलचे जम्मू प्रांत च चलै करदे वंदे मातरम समारोहें दे दुए गेड च बी लोक बधी चढियै हिस्सा लै करदे न। इस सिलसिले च केई चाल्ली दिएं गतिविधियें दा सरिस्ता कीता जा'रदा ऐ जिंदे च मशाल रैलियां, वाद-विवाद, निबंध लेखन, चित्रकारी प्रतियोगिता, पोस्टर डिजाइन करने दे मकाबलेबाजी ते होर कई चाल्ली दे कार्यक्रम जिंदे राएं लोक मते उत्साह ते देश प्यार दे जज्बे कन्नै इन्दे च शरीक होआ करदे न। भारत दे राश्ट्री गीत वंदे भारत दे 150 ब'रे पूरे होने दे सिलसिले च इस चाल्ली दे कार्यक्रम मुख्य भरै च आयोजित कीते जा'रदे न ते जम्मू-कश्मीर इनें गतिविधियें च सभनें शा अग्गे होइयै हिस्सा लैने आहले किश गिने चुने दे प्रदेशें च शामिल ऐ। केई चाल्ली दे सांस्कृतिक ते देशभक्ति दे कार्यक्रम इनें आयोजनें दा मुख् आकर्षण रौहंदे न जित्थे प्रतिभागियें दा जोश दिक्खदे गै बनदा ऐ।



Prog. Announcement

आकाशवाणी जम्मू दा क्षेत्रीय समाचार एकांश 77में गणतंत्र दिवस मनाने दे सरबंध च 24 जनवरी 2026 गी 30 मिंटे दी अवधि आला इक खास परिचर्चा कार्यक्रम गी पेश करने जा'रदा ऐ। इस खास कार्यक्रम दा विशे होग 'Our constitution our strength' यानि स्हाड़ा संविधान स्हाड़ी ताकत। एहू खास कार्यक्रम शनिवारें 24 जनवरी दपैहरी साडे 12 बजे प्रसारित कीता जाह्ग। रक्षा समीक्षक दे तौर पर ब्रिगेडियर डी.एन पांडे, ते संविधान माहिर दे तौर पर विजय सहगल जेडे लॉ विभाग जम्मू युनिवर्सिटी दे प्रोफेसर न- होर इस कार्यक्रम च परौहने होडन जेडे विशे पर अपने बचार सांझा करडन



CS-Census

केन्द्र शासित प्रदेश जम्मू कश्मीर च पैहली जून कोला लेइयै 30 जून 2026 तगर हाउस लिस्टिंग दे कम्मै गी अंजाम दिता जाहग- जेहदे तैहत लोकें दी गिनतरी कोला पैहले हर घर ते ईमारत दी पंछान करियै उत्थे पानी-बिजली- शौचालय ते घरें दी स्थिति बारे जानकारी दर्ज कीती जंदी ऐ। एहदे 15 दिन पैहले नागरिकें आसेया अपने बारे जानकारी भरियै जमा करोआने दा कम्म मुकम्मल कीता जाहग। सरकार 31 जनवरी तोड़ी इस बारे अधिसूचना जारी करी देग। मरदमशुमारी 2027 भारत दी पैहली ऐसी जनगणना होग- जेहड़ी पूरी चाल्ली डिजिटल होने दे कन्नो-कन्नो जाति आधारित बी होग ते कन्नै एहदे च नागरिकें आसेया आपू जानकारी दर्ज कराने यानि सेल्फ इन्यूमरेशन दी बवस्था बी रखी गेदी ऐ। मुख सचिव अटल डुल्लु होरें 2027 आहली मरदमशुमारी लेई कार्यक्रम- समे सारणी ते अमले दे इस्तमाल बारे रुपरेखा गी मुकदा रुप देई दिता ऐ। कल जम्मू च प्रदेश सतह दी जनगणना तालमेल कमेटी दी बैठका दी उनें अध्यक्षता कीती- जेहड़ी सारे कम्में गी समें-सिर ते पूरी चाल्ली रमानदारी ते बवस्था आहले ढंगै सिर तोढ चाढने गितै जनगणना निदेशालय कन्नै नेडमा तालमेल बनाइयै कम्म करने दे मकसद कन्नै लोआई गेदी ही।

<><><><><><>

Floriculture Ramban

फुल्लें दी काशत सरबंधी मैहकमे आसेआ रामबन च सारे जत्तें दी शुरूआत कीती गेई ऐ तां जे मुकामी अर्थ बवस्था ते सैलसफा गी बढ़ावा दिता जाई सकै। मैहकमे आसेआ फुल्लें दी काशत गी बढ़ावा देने लेई सिखलाई केंद्र ते होर दुए कार्यक्रम आयोजित कीते जा'रदे ना। समें-समें पर जागरूकता शिविर ते सिखलाई प्रोग्राम लोआए जा'रदे ना। इस दरान साइंसी ढंगै सिर फुल्लें दी काशत, मता झाड़ देने आहले बूहटे ते इन्दे समां बनने आहले होर दुए उत्पादें बारे जानकारी दिती जा'रदी ऐ। करसानें लेई फुल्लें दी काशत इक्क मुनाफे आहला सौदा ऐ कीजे रामबन च एहदे आस्तै मौसम बी स्हेई होंदा ऐ। इस बारे होर मती जानकारी दिंदे होई रामबन दे असिस्टेंट फ्लोरिकल्चर अफसर पवन कुमार होरें आखेआ

<><><><><><>

Yount Sculptor

उधमपुर जिले दे कुपराला ग्रां दे बसनीक इक युवा मूर्तिकार राहुल शर्मा इनें दिनें सुखिं च न जिनें लेहाड़ी च इक अनोखा कला स्टूडियो त्यार कीता ऐ जित्थे घट्ट बजनी ते हडनसार, फाइबर दियां मूर्तियां त्यार करने पर ध्यान दिता जारदा ऐं इस पैहल दी अगुवाई करने दे कन्नोन्नो राहुल मकामी नोजवानें गी बी इस कला कन्नै वाकफ कराने लेई उनेंगी सिखलाई देआ'रदे ना। उंदी हस पैहल दा मकसद ना छड़ा इस कला गी बढ़ावा देना ऐ, सगुआं स्वरोजगार बधाने ते पारम्परिक कलाएं ते मूर्ति कला कौशल गी जींदा रखना बी ऐ। राहुल शर्मा नै मूर्ती कला दी विरासत गी आधुनिक तकनीक कन्नै जोडियै इसी नमां सरूप दिता ऐ ते उंदी इच्छेआ ऐ कि डुग्गर दी कलाएं गी औने आहिलएं पीढिं लेई संजोइयै रखेआ जा। उनें आखेआ

<><><><><><>

Weather

भारतीय मौसम विभाग नै पच्छमी हवाएं च खौदल करी जम्मू-कश्मीर लेई मौसम सरबंधी 2 परामर्श जारी कीते ना। इनें हवाएं दी गड़बड़ी करी 22 जनवरी थमां 28 जनवरी बश्कार बरखा ते बर्फबारी दे असार दस्से गे ना। पैहले 22 जनवरी थमां 24 जनवरी बश्कार मौसम पर असर पौग ते फही 26 थमां 28 जनवरी बश्कार पीर पंजाल आहले इलाके- चनाव वैली ते दक्खन कश्मीर दियें उच्चिये धारे पर भारी बरखा होई सकदी ऐ। मौसम विभाग नै इस करी यातायात प्रभावित होने दे बी असार दस्से ना। लास-पस्सियां पौने-बर्फ ते ल्हास तौदे पौने जां फही तेज हवा चलने दी बी पेशनगोई कीती गई ऐ। सारे लोके खास करी यात्रा करने आहले करसान ते होरनें गी एहतियात बरतने लेई आखेया गया ऐ। मौसम बारे व्यापक जानकारी दिंदे होई विभाग दे निदेशक मुख्तार अहमद होरे आखेया

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू औंदी 23 जनवरी गी पराक्रम दिवस दे मौके पर 25 मिंटे दी इक विशेष परिचर्चा प्रसारित करने जा'रदा ऐ। दपैहरी 12 बजे प्रसारत होने आहली इस परिचर्चा दा विशेसार ऐ-दलेरी थमां प्रेरणा-नेता जी हुं'दे विचार ते अज्जै दा भारत। नेता जी सुभाश चंद्र बोस हुं'दी जन्म जयंती दे सिलसिले च हर ब'रे 23 जनवरी गी पराक्रम दिवस दे रूपै च मनाया जंदा ऐ। इस विशेष परिचर्चा च स्हाड़ी परौहिनयां होडन जम्मू युनिवर्सिटी च प्रोफेसर शशि प्रभा जेहिडयां इस विशे पर अपने माहिराना विचार सांझे करडन। कार्यक्रम दी मेजबानी करडन स्हाड़े न्यूज एंकर विजय बजाज। चेता रखेओ। अतरूं 23 मार्च गी दिनें 12 बजे स्हाड़े इसै चैनल मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर।

<><><><><><>